

GLORIA IN EXCELSIS DEO.

ET in terra pax hominibus bonæ voluntatis. Laudamus te. Benedicimus te. Adoramus te. Glorificamus te. Gracias agimus tibi propter magnam gloriam tuam. Domine Deus Rex cœlestis, Deus Pater omnipotens. Domine Fili unigenite Iesu Christe. Domine Deus, Agnus Dei, Filius Patris. Qui tollis peccata mundi, miserere nobis. Qui tollis peccata mundi, suscipe deprecationem nostram. Qui sedes ad dexteram Patris, miserere nobis. Quoniam tu solus Sanctus, Tu solus Dominus. Tu solus Altissimus Iesu Christe. Cum sancto Spiritu in gloria Dei Patris. Amen.

Sacerdos offerens Hostiam super patenam, dicit.

Suscipe, Sancte Pater, omnipotens, æternæ Deus hanc immaculatam Hostiam, quam ego indignus famulus tuus offero tibi Deo meo, vivo, & vero, pro innumerabilibus peccatis, & offensionibus, & negligentiis meis, & pro omnibus circumstantibus, sed & pro omnibus fidelibus Christianis vivis, atque defunctis; ut mihi, & illis proficiat ad salutem, in vitam æternam. Amen.

Accipiens Calicem offert, dicens:

Offerimus tibi, Domine, Calicem salutaris, tuam deprecantes clementiam; ut in conspectu divinæ Majestatis tuæ pro nostra, & totius mundi salute, cum odore suavitatis ascendat. Amen.

IN spiritu humiliatis, & in anima contrito suscipiamur a te Domine, & sic fiat sacrificium nostrum in conspectu tuo hodie, ut placeat tibi Domine Deus.

Veni Sanctifier, omnipotens æternæ Deus, & bene dic hoc sacrificium tuo sancto nomini præparatum.

Suscipe Sancta Trinitas, hanc oblationem, quam tibi offerimus ob memoriam Passionis, & Resurrectionis & Ascensionis Iesu Christi Domini nostri & in honorem Beatae Mariæ semper Virginis, & Beati Joannis Baptistæ, & Sanctorum Apostolorum Petri, & Pauli, & istorum, & omnium Sanctorum: ut illis proficiat ad honorem; nobis autem ad salutem: & illi pro nobis intercedere dignetur in Cœlis, quorum memoriam agimus in terris. Per eundem Christum Dominum nostrum. Amen.



SACRUM CONVIVIUM

Accipiendo Hostiam, dicat;
Qui pridie, quām pateretur accepit panem in sanctas, ac venerabiles manus suas, & elevatis oculis in Cœlum ad te Deum Patrem suum omnipotentem: tibi gratias agens, bene dixit, fregit deditque discipulis suis, dicens; Accipite, & manducate ex hoc omnes.

Hoc est enim Corpus meum.

Simili modo postquam cœnatum est, accipiens, & hunc preclarum Calicem in sanctas, ac venerabiles manus suas: item tibi gratias agens, bene dixit, deditque discipulis suis dicens: Accipite, & vivite ex eo omnes.

Hic est enim Calix Sanginis mei, novi, & æterni Testamenti: misterium fidei, qui pro vobis, & pro multis effundetur in remissionem peccatorum.

Hæc quotiescumque feceritis, in mei memoriam facietis.

In fine Missæ ante Benedictionem
Placeat tibi sancta Trinitas obsequium servitutis meæ, & præsta ut sacrificium, quod oculis tuæ Majestatis indignus obtuli tibi sit accepitabile, mihique & omnibus, pro quibus illud obtuli, si, te miserante, propitiabile. Per Christum, &c.

CREDO IN UNUM DEUM.

PAtrem omnipotentem, Factorem Cœli, & terræ, visibilium omnium, & invisibilium. Et in unum Dominum Jesum Christum, Filium Dei unigenitum. Et ex Patre natum ante omnia sæcula. Deum de Deo, lumen de lumine, Deum verum de Deo vero. Genitum, non factum, consubstantialem Patri; per quem omnia facta sunt. Qui propter nos homines, & propter nostram salutem descendit de cœlis. ET INCARNATUS EST DE ESPIRITU SANCTO EX MARIA VIRGINE ET HOMO FACTUS EST. Crucifixus etiam pro nobis sub Pontio Pilato passus, & sepultus est. Et resurrexit tercia die secundum Scripturas. Et ascendit in cœlum, sedet ad dexteram Patris. Et iterum venturus est cum gloria, judicare vivos, & mortuos; cuius regni non erit finis. Et in Spiritum sanctum, Dominum, & vivificantem; qui ex Patre, Filioque procedit. Qui cum Patre & Filio simul adoratur, & conglorificatur: qui locutus est per Prophetas. Et unam sanctam Catholicam, & Apostolicam Ecclesiam. Confiteor unum Baptisma in remissionem peccatorum. Et expecto resurrectionem mortuorum. Et vitam venturi sæculi. Amen.

Ante sumptionem Sacramenti.

Domine Iesu Christe, qui dixisti Apostolis tuis: Pacem relinquo vobis, pacem meam do vobis; ne respicias peccata mea. sed fidem Ecclesiæ tuæ, eamque secundum voluntatem tuam pacificare, & coadörare digneris. Qui vivis, & regnas Deus, per omnia sæcula sæculorum. Amen.

Domine Iesu Christe, Fili Dei vivi, qui ex voluntate Patris, cooperante Spiritu sancto, per mortem tuam mundum vivificasti, libera me per hoc sacrosanctum Corpus, & sanguinem tuum ab omnibus iniquitatibus meis, & universis malis & fac me tuis semper inhærere mandatis, & a te numquam separari permitas. Qui cum eodem Deo Patre, &c.

PErceptio Corporis tui, Domine Iesu Christe, quod ego indignus sumere præsumo, non mi proveniat in iudicium, & condemnationem; sed pro tua pietate propositi mihi ad tutamentum mentis, & corporis, & ad medelam percipiendam. Qui vivis, & regnas cum Deo Patre, &c.